

BASES DO SERVIZO DE OBRADOIROS DE CONCILIACIÓN NADAL 2024 A MERCA

OBXECTO

Os OBRADOIROS DE CONCILIACIÓN NADAL 2024 A MERCA supoñen unha alternativa de lecer para a rapazada de 3 a 12 anos do municipio da Merca, cunha dobre finalidade: a de permitir a conciliación familiar, laboral e persoal das familias; e a de ofrecer un espazo de esparcemento para nenas e nenos en igualdade de oportunidades. Tamén persegue contribuír a diminución das desigualdades sociais e favorecer a integración dos/as menores en risco de exclusión social.

Tanto transversalmente como en actividades específicas traballarase a igualdade de xénero.

OBXECTIVOS

Os principais obxectivos son:

- A. Activar a imaxinación, a creatividade e a resolución de problemas.
- B. Orientar e asesorar a menores para fomentar a súa autonomía persoal e responsabilidade individual e para co grupo.
- C. Desenvolver as capacidades físicas e as destreza motrices dos cativos ao mesmo tempo que se fomenta a participación, a cohesión social, a cooperación e a non competitividade entre os/as nenos/as.
- D. Fomentar as capacidades intelectuais e a mellora da autoestima.
- E. Adoptar condutas baseadas no respecto, na tolerancia e na igualdade.
- F. Ensinarlle aos máis novos a importancia e as posibilidades que posúe o mundo rural galego e os elementos que o conforman de xeito participativo, dinámico e didáctico.
- G. Aprender a convivir, a traballar en equipo e a competir.
- H. Adoptar interese pola lectura.

PERSOAS DESTINATARIAS

Poderán solicitar a súa participación nos OBRADOIROS DE CONCILIACIÓN NADAL 2024 A MERCA_as familias de nenas e nenos que se encontren entre os **3 e os 12 anos cumpridos**, e que reúnan algunha destas circunstancias, e por orde de preferencia:

- A. **Empadroados/as no Concello da Merca.** O Concello comprobará a veracidade de dito empadramento. Salvo, nos supostos de garda e custodia, sendo requisito o empadronamento do proxenitor/a ou titor/a legal que ostente a devandita garda e custodia do/a menor durante a/s quenda/s solicitada.
- B. **Matriculados no CEIP Joaquina Gallego Jorreto** sito no municipio da Merca, unicamente no caso de que quedasen **prazas dispoñibles**, e por orde de inscrición.
- C. **Non empadroados/as** no Concello da Merca, unicamente no caso de que quedasen **prazas dispoñibles**, e por orde de inscrición.



Quen teña unha **discapacidade igual ou superior ao 33%** poderá participar nesta convocatoria aportando no **momento da solicitude** o correspondente **certificado de discapacidade**, ademais dun **informe médico, educativo ou social** no que se valore que o/a menor posúe a capacidade de integración nun grupo e que as súas necesidades especiais lle permiten participar e beneficiarse das actividades que se van desenvolver.

Farase UNHA SOLICITUDE POR NENO/A.

LUGAR E DATA

Os OBRADOIROS DE CONCILIACIÓN NADAL 2024 A MERCA desenvolveranse en dependencias municipais e no seu caso, no **CEIP Joaquina Gallego Jorreto**, e para facilitar en maior medida a conciliación laboral e familiar.

HORARIO

Dende as **09:30 horas** ata as **13:30 horas**.

PRAZAS

Ofértanse un máximo de **40 prazas**.

CUSTO

O custo do servizo será de **GRATUITO** por neno/a.

ACTIVIDADES

As infancia do Concello da Merca terán a gran oportunidade de descubrir como celebran o Nadal e o tempo de Advento en outros lugares do Mundo.

Coñeceremos os seus costumes, cancións e danzas, xogos, adornos, agasallos tradicionais e ata a súa gastronomía típica de Nadal.

PERÍODO DE INSCRICIÓN

As inscricións realizaranse no Concello da Merca a partir do 18 de decembro ata cubrir todas as prazas.

A presentación de inscricións realizarase **preferentemente a través da sede electrónica do Concello da Merca** <https://amerca.sedelectronica.gal> **achegando o formulario de inscrición correspondente DEBIDAMENTE CUBERTO e ASINADO, a través do trámite “INSTANCIA XERAL”.**

Lembramos que para utilizar a sede electrónica é preciso dispoñer de Certificado electrónico, DNI electrónico ou Cl@ve permanente.



Excepcionalmente, poderase presentar a inscrición no rexistro municipal nas dependencias do Concello, sitas en ESTRADA DE CELANOVA, 3 - 32830 A MERCA (OURENSE).

ADXUDICACIÓN DE PRAZAS

Directa: a adxudicación será directa no caso que non se supere o número de prazas dispoñibles.

Se o número de solicitudes supera as prazas dispoñibles, procederase da seguinte forma:

- A. **En primeiro lugar**, e por orde de inscrición, **os/as menores empadroados/as no Concello da Merca. Salvo, nos supostos de garda e custodia, sendo requisito o empadronamento do proxenitor/a ou titor/a legal que ostente a devandita garda e custodia do/a menor durante a realización dos obradorios.**
1. **En segundo lugar**, e por orde de inscrición, **os matriculados no CEIP Joaquina Gallego Jorreto** sito no municipio da Merca,
 2. **En terceiro lugar**, e por orde de inscrición, **os non empadroados/as** no Concello da Merca.

Os irmáns e/ou irmás inscritos/as para a mesma quenda consideraranse conxuntamente, a efectos de adxudicación das prazas . Así mesmo, quedará unha lista de agarda.

No caso de que as familias dos/as admitidos/as renunciem á praza obtida, chamarase telefonicamente aos/ás integrantes da lista de agarda. No caso de non ser localizados/as tras TRES chamadas a diferentes horas, pasarase ao/á seguinte da lista.

No caso de existir prazas vacantes xa iniciada a actividade, as crianzas poderanse incorporar nela despois do comezo dos obradoiros, sempre que se conserve a ratio monitor/a-nena/o.

PUBLICACIÓN DAS LISTAXES DE PERSOAS ADMITIDAS

A **listaxe** de admitidos/as publicarase na páxina web do Concello.

NORMAS

A inscrición na actividade supón o compromiso de aceptación das normas.

Dereitos das persoas usuarias:

- A. Bo trato por parte do persoal do servizo e dos/as outros/as usuarios/as.
- B. A confidencialidade sobre os seus datos sanitarios, económicos e sociofamiliares.
- C. Proporcionarlle a atención socioeducativa precisa para o seu desenvolvemento integral.





- D. Favorecer a súa participación no servizo.

Obrigas das persoas usuarias:

- A. Incorporarse á actividade nos horarios establecidos.
- B. Non abandonar a actividade sen autorización da persoa responsable.
- C. Entregar a documentación requirida.
- D. Para a recollida das/os menores sempre será requirida a comparecencia dalgunha das persoas que figuran autorizadas.
- E. Respetar as normas establecidas polos equipos de monitores de cada campamento, así como as de réxime interno das instalacións onde se desenvolvan.
- F. Non transferir a praza asignada.
- G. Manter unha actitude de respecto e consideración co persoal e cos/as demais usuarios/as.

O incumprimento reiterado das normas establecidas suporá causa de baixa.

Na Merca, na data da sinatura electrónica.

O Concelleiro.- José Manuel Taín Fernández.-

DOCUMENTO ASINADO ELECTRONICAMENTE

